

圓覺經畧疏之鈔卷第五

治十

圭峯蘭若沙門宗密於大鈔畧出

疏再逢下三釋造疏之意三一發心私法再逢親友者用法華經五百弟子受記品繫珠喻領解得記之事以申今意也彼經云譬如

治十

有人至親友家醉酒而卧是時親友官事當行以無價寶珠繫其衣裏與之而去其人醉卧都不覺知起已遊行至於他國為衣食故勤力求索甚大艱難若少有所得便以為足於後親友見之而作是言咄哉丈夫何為衣

食乃至如是我昔欲令汝等五欲自恣於某年月日以無價寶珠繫汝衣裏今故現在而汝不知勤苦憂惱以求自活甚為癡也汝今可以此寶賀易所須常可如意無所乏少下法合可知釋曰繫珠有二說一約結緣釋則

圓解為珠與說為繫煩惱心中聞熏為醉酒五道求樂為勤力艱難證小涅槃不求大果為得少為足後聞說法華為遇親友示以知見為得珠以因易果所樂皆得二約天真本性釋然昔繫有時珠則本有昔時妄想心聞

之未悟即云都不覺知已成堅種如繫未得契合本體如在水中曾聞法故願求善福為衣食調伏故艱難今再遇本緣為親友餘大同前釋然此人蒙繫珠之時已是初遇親友故於後親友見之而作是言等是再逢也余

亦如是以今現事驗於昔因定知宿世曾聞疏主言教所以今生聞之即解故云再逢矣疏彌感佛恩者彌者是轉深之義謂未講華嚴已前或因轉讀或因聽聞每見經文說佛恩深又自慶開法已感佛恩今因再逢善友

親講華嚴宗部深見諸佛菩薩多劫苦行弘護大法哀愍衆生之迹又悟大教義味無邊若非釋迦降迹出現演說此門而我何由得至此地故所感恩彌深彌厚疏又慨孤貧將陳法施下皆是報佛之事故智論云假使頂

單

二

戴經塵劫身為牀座徧三千若不傳法化衆生畢竟無能報恩者慨者是無聲之歎孤貧者華嚴三地經云菩薩見如來智慧有大利益有為過患即於衆生起十哀愍心所謂見諸衆生孤獨無依生哀愍心

世謂少而無父為孤老而無子

曰獨今衆生上遠諸佛慈尊故孤下見諸衆
不利生既無弟子故獨更何所依也
生貧窮困乏生哀愍心無福慧故貧窮已得
少欲而乃更求故又五地云此菩薩作是念
此諸衆生受如是苦孤窮困迫無救無依一
事不得即一切即爲孤
一中不得舍一切即爲窮
疏將陳法施者將猶

欲也陳者陳設之謂也法施者運清淨心無
希名利之垢以法施他故名法施菩薩戒序
云財法二施等無差別又大法炬陀羅尼經
云譬如商家以財求利歲月漸增庫藏充實
拯濟多人若不商販財利不增後值飢荒喪

失家業彼說法者亦復如是應常宣說不得
休懈若常說法法則增長利益人天若不宣
說法則衰殄然財法二施有三不同一則施
施世間果報法施出世功德施多唯增二財
財施成就色身法施成就法身疏采集下二
明且造諸疏爲此疏之資緣也即是明法施

治十

三

之事謂著述名教以訓後來令佛種不斷采
集般若者由見般若破相是諸佛母祖師深
讚遂以元和十四年於興福寺采集無著天
親二論大雲等疏肇公等注纂其要妙以釋
金剛般若經也勒成疏一卷鈔一卷疏綸貫

華嚴者由見華嚴稱性之法恢廓宏遠實可
宗承以文富義博學者難見涯畔但攻章鈔
迷於經意致令後輩輕於大經云講華嚴涅
槃者但是轉經之流或云卷經之輩故長慶
二年於南山豐德寺以疏中關節綸次貫於
一部經文令講者剋意記持經文以將釋於
此疏勒成五卷題云華嚴綸貫疏提挈毘尼
者因徧討大毘尼藏五部律等聽四分新章
見律文繁廣事數重疊或是天竺風俗之事
不關此方傳者騁於重重句數致令修持者

不知剋實要用之處遂以長慶三年夏於豐
德寺因聽次采集律文疏文取修行人要行
用者提舉纂出接引道流勒成三卷疏發明
唯識者然唯識宗旨釋教之綱諸論浩瀚諸
師差別致使學者但於部帙句偈熟習唯識
之名言不就自心尋伺諸法唯是我心識之
行相遂以元和十四年冬至十五年春於上
都興福寺保壽寺采掇大論大疏精純正義
以釋三十本頌勒成兩卷顯發彰明唯識宗
趣令人易見諸法唯是自心之義理故云發

明唯識疏然醫下三正述本意本意在圓覺也於中二初舉喻如人有病詣大醫家但應求治自病之方買藥調合不可見他千卷萬卷方書且貪從頭尋讀辨別若如此者讀未徧而病身死又如人入海采無價珠而大海

治十

四

之中珍寶無量若見之即取聞名即尋則終身皓首死於海中何日得歸闍浮濟於貧乏但應求摩尼珠得即持歸自然千珍萬寶要即充足所以者何摩尼梵語此云如意意中所有財寶衣服飲食種種之物此珠即能出之

如意而得故云如意疏觀夫下二法合將欲弘闡法門揀其要妙圓通了義莫尚華嚴西域此方古今三藏大德皆判爲最具如彼疏懸談所叙然且部帙浩瀚義理縱橫初心之流造次難入如大海中一切珍寶不可總求

不如此經一道頓入會相歸性泯念全真影像亦空覺所顯發覺圓明故煩惱氷銷妙用神功一生可獲故前云海中先求如意也文富者八十卷文義博者五周因果五教十玄誠者實也讓者推言雜華者涅槃等經指華

嚴為雜華經謂萬行感果如天地所生一切諸華萬德嚴身如金玉繒綵一切諸華故云雜也意言若約文義富博誠知不及華嚴若取指示覺心之體以投頓悟初機即不如圓覺故苦留心徧願弘此是其本意矣疏故參

淨

五

下四正製此經疏也根本始自元和十一年春於南山智炬寺以筆科判及搜檢四家疏義集為兩卷私記檢之以評經文被於禪學之輩中間至長慶二年於草堂寺再修為疏及開數十段章門至三年秋冬方得終畢言

諸論者起信唯識寶性佛性中觀智度瑜伽攝大乘等也百家者諸家章疏及諸觀門歲論讚頌諸所述作建宗立義等文卷當途要者無不徧尋言叅詳及反復者集之對此詳彼翻覆再三研味宗趣審度得失如南容三復白珪之例也白珪者毛詩云白珪之玷尚可磨也斯言之玷不可為也南容讀詩至此章句再三反復指示其心使慎言也以利器者論語云工欲善其事必先利其器此明欲造圓覺疏故十數年來先習諸教以利其

智以廣其學方製其疏也疏冥心下五明疏之宗趣分齊也初二句標意冥心聖旨者全忘已情以求佛意也極思研精者極其智思研磨精鍊遂得文無重疊義無繁雜廣而不剩畧而不闕也然其文勢即禮記月令序云

臣等虔奉綸旨極思研精愧無演暢之能謬承討論之寄次二句云義備性相禪兼頓漸者正明義之分齊性相者兩宗經論中義門也頓漸者南宗及天台止觀妙旨也疏中所立章門二十三科多歷五教故云具性相也

頓漸者疏中釋經初四章及清淨慧章洞徹南宗頓門理性其三觀諸輪道場加行周備南北禪門及天台觀門修定漸次出入門之行相也然南宗及天台雖亦自具頓悟漸修之意然南宗頓顯漸密天台頓理又便屬經

論

六

論中義故今但指頓門爲南宗也故云禪兼頓漸疏勅成下六結前生後謂結成大疏生起畧疏之意文二一結成大疏其三卷之文約二百一十餘紙已傳強學者疏成已經三年習學者約有其百覆講者亦有七八皆是

曾習禪理及講經律論者今各現傳持不輟故云強學強學之意即根性明利志氣精強勇猛堅固與其進不與其退之謂也其文即禮記云強學而待問今用此語也今意云如此強學之流方能傳得大疏復恐有雖志願傳習根性稍劣力不任者復應刪畧簡要以被之然此意雖在次下之文今結前中已含生起之意故云結前生後也疏然上下二叙畧疏三初且叙所被之機學者根性既殊須有廣畧之教被之方足機器勝者爲上品平

平者爲中下品今且約一類可學者言之故但標三品若委細具收復應有上上上中乃至下下九品也疏根欲性殊者上句是豎明勝劣下句是橫說差殊根者一向發起聖道之根欲者樂欲性者種性三義各別故云橫

治平

七

也是十力中三種力所知之境初即諸根勝劣力謂信進念定慧五根有上中下故云勝劣次即種種解智力亦名勝解即樂欲也謂若從他起信以爲其先成下中上愛樂種種勝解亦名欲欲謂喜欲好樂如或貪財利或

好名聞好定好慧種種不同後即種種界智
力界即性也謂或一三四五乘性等或貪瞋
癡等分行等乃至八萬四千行名種種性性
即種子樂欲即是現行此上皆依瑜伽等諸
論所釋疏今將下二正叙能被之疏初二句

叙意法者則也効也彼者彼周易繫辭中所
說天地之化委曲成就萬物而不遺漏今取
彼為則而做効之故以大疏小疏屈曲隨於
機宜皆今悟解成就佛道故云法彼曲成也
故彼繫辭云易與天地準故能彌綸天地之

道如仰觀天文俯察地理等云云乃至範圍天地之化而不
過曲成萬物而不遺韓康伯注云範圍者擬
成者乘變以應物不繫一方者也則物宜得矣今釋曰此意是明聖
人則天法地以濟萬物故得各隨其類普皆
成益故云曲成從其易簡者正明撮畧之意

意在簡畧易解故云從其易簡易簡之文亦
是繫辭彼意說天地之道甚易甚簡無為而
化順物之情成其功業彼文云其文却在曲成之前今
注引之理乾知太始坤作成物乾以易知坤
令自皆以簡能天地之道不為而善始不易則易知
勢而善成故曰易簡也

簡則易從易知則有親易從則有功

順萬物之情故

曰有親通天下之功有親則可久有功則可大

易有

簡之德則能成可久則賢人之德可大則賢

人之業

天功地易簡萬物各載其形聖人不為

易簡而天下之理得矣

目其德業易簡而天下之理得矣

理莫不

由於易簡而各釋曰既合天道而化則易簡

得順其分位也

也故道經云大道甚易行而天下莫能行又

云大道甚夷

平夷而人好徑故知但一向尋求

經意順理直釋不須廣叙諸家繁述名相則

易簡矣問甚深法義難解難入云何言易答

易簡矣問甚深法義難解難入云何言易答

順佛善巧方便於難解法中令得易解方名

善說豈可以著述演說令人皆不解會却名

妙邪所以優波鞠多說法聞者百千萬億之

數皆得悟入馬鳴菩薩亦然佛會中亦然今

有矜誇難解以為深妙者是障道之流也即

知法有深妙而易解有淺淺而難解有淺而

易有深而難由說之差當述之巧拙也且如

高僧傳中慧休聽大乘經論一編入神聽律

三十徧未解豈可云律部深於經論邪問既

知如此今何不但作畧疏直釋經文而乃先

爲廣疏邪答上句豈不云根欲性殊邪良由
名相漸次之疏論已徧人間彼一類人固執
先聞拒而不信故爲開章一一會釋令歸一
極有不執者即令從此要畧直入是爲法彼
曲成而無遺也疏更搜精要直注本經者直

淨

本

叙本宗經意以消其文各隨科注於本文之
下令覽者易見免別省經本疏本尋求科段
矣文前雖有畧叙義門比大疏十中刪八故
云更搜精要疏庶即下三結成其益諸佛說
教本是詮心良由心有無量義門故展轉辨

明便成多種事數學者尋文尋義迷本所詮
之心故今節節指歸於心令學者每尋事義
一一見心如律部千章萬句皆在行門故今
著述講說鈔者但廣列句數廣生義解令學
者貪尋句義而迷戒行故南山鈔主刪繁補

闕令學者即事即行今意亦同彼故云即事即
心也然律制身口但明其行今修定慧意在
契心故彼云即事即行此翻於彼云即事即
心也日益日損者老子經云爲學日益爲道
日損今借彼語意以日損爲斷惑日益爲成

智日損爲斷惡日益爲修善皆是損爲離過益爲成德矣疏將解下二開章注解二初標列章名十門分別者前八義門後二正釋以經題目即屬本文故然此十門生起有緒初因緣者夫聖人言不虛發動必有由豈同凡

愚無端率爾欲明聖典先知因由故受之以教起因緣二者因緣既彰有所起教教雖無量不出二藏三藏大小諸乘十二部分須知此經何藏何乘何分所攝故受之以藏乘分攝三者然其藏乘部分皆通權教實教須知此

典爲實爲權判權實者須有憑據况西域此方末代諸德造論製疏宗尚不同故受之以權實對辨四者既辨此經是實教攝未知此經所詮之義分齊深淺如何故受之以分齊幽深五者已知經義甚深未審是何根器堪

準

十

受此法故次明所被機宜六者雖知深義正被頓機未知能詮之經以何爲體故次明能詮體性七者能所文義已知深妙未審其中所宗所尚有何旨趣故次明宗趣通別八者上之七門懸談文義已知綱領雖能所詮異

終屬教宗然因詮得意得意須忘詮忘詮修
心不無頓漸頓漸證入方便如何故次辨修
證階差九者宗意以陳將釋文義先明題目
包盡難思故受之以通釋名題十者通意雖
知在文難曉欲使差別義門彰乎翰墨宗通
理味現乎經文故受之以別解文義也疏初
有下二隨章注解十一教起因緣然因緣之
言有其通別通者因是因由緣是緣由皆是
所以之義其意不異如云因何作如是事或
云緣何作如是事二言總得語勢同矣別者

緣是資緣助緣此則因親緣疎今此疏云因
緣者是前通意不分親疎之異也若約前說
酬因是因酬請是緣亦得然疏本意但通辨
如來有何因由由緣說諸教矣文二初通二
一正顯因緣者佛在因地修行發願願得成
佛說法度人今轉法輪酬因地之行願故華
嚴云毘盧遮那佛願力周法界一切國土中
恒轉無上輪疏酬請者佛初道成梵王帝釋
等請轉法輪故法華云爾時諸梵王及諸天
帝釋護世四天王及大自在天合掌恭敬禮

請我轉法輪佛酬其請故始於祿苑終至鶴林四十九年說諸經教度脫衆生顯理度生者說二乘教顯四諦十二緣等生空之理度凡夫外道說大乘教顯二空理度二乘人及上中根凡夫外道說一乘教顯三諦三德法界法性究竟之理度二乘人及權教菩薩并上上根一類凡夫故云顯理度生也疏皆由是矣者是此也佛一代時教皆由比酬因等意而得興起於世流布也疏若原下二剋就佛意謂若據機感則具多緣緣會即應機

請即說所說之教亦三乘深淺不同若直就佛本意而言唯爲開示衆生如來知見更不爲餘事故法華云諸佛唯爲一大事因緣故出現於世諸佛世尊欲令衆生開佛知見使得清淨故出現於世欲示衆生佛之知見乃至入佛知見道故出現於世諸佛如來但教化菩薩諸有所作常爲一事唯以佛之知見示悟衆生舍利弗如來但以一佛乘故爲衆生說法無有餘乘若二若三一切十方諸佛法亦如是故知佛意唯爲一乘二別者唯說

圓覺一經所起因緣不說餘經故云別也文
十一顯因行有本者因行即是諸波羅密三
十七品助道之法言有本者此等因行皆由
了悟圓覺方成實行方曰正因故文殊請說
如來因地清淨法行世尊標指覺心爲諸行

澄十

十一

本云從圓覺流出波羅密等又云一切如來
本起因地皆依圓照清淨覺相又說一切衆
生妄認四大及緣慮爲自身心等又說無明
本空能了之智亦不可得等此一章意令了
悟自心本來圓覺本無明煩惱生死等法

以爲起行之本爲欲顯此行本故說此經疏
二泯絕果相等者謂泯絕菩提涅槃唯是清
淨覺性方爲無始無終不增不減究竟之果
故經云一切如來妙圓覺心本無菩提及與
涅槃亦無成佛及不成佛又云生死與涅槃

凡夫及諸佛同爲空華相又云生死涅槃猶
如昨夢上所引文皆是泯絕菩提涅槃二果
相也注云本無菩提等者釋泯果相也故無
始終下皆釋成圓也謂菩提無始煩惱無終
不同法相宗菩提有始煩惱有終故攝論云

世間不破出世間不盡無增減者起信論云
一切凡夫聲聞緣覺菩薩諸佛無有增減非
前際生非後際滅畢竟常恒從本已來性自
滿足一切功德所謂自體有大智慧光明等
乃至亦名如來法身此知性本具究竟之果

治十

三

者了生死涅槃煩惱菩提俱不可得不取二
相徹到空寂靈覺之心即此覺心本來空寂
本來知覺元是菩提涅槃故云究竟果也故
經云三事圓證故名究竟涅槃涅槃究又云
一切障礙即究竟覺菩提究又云若事理障

已永斷滅即入如來微妙圓覺即是上說所
滿足菩提及大涅槃二皆究竟又云流出菩提涅
槃此等諸門皆是究竟一果也疏三決擇等者
決謂決斷擇是揀擇所謂決定判斷必須
圓頓悟理稱理修行此義在下本起因地顯也揀擇偏見
之人或一向但說本自圓真不假修行之者
或一向但說斷障證真滅凡成聖之者故云決
擇悟修等注文二一正明悟修云普賢問者
由前佛答文殊云衆生身心如空華衆幻能
知之智亦然偈云衆幻滅無處成道亦無得

本性圓滿故故普賢乘此發問云一切衆生修大乘者聞此圓覺清淨境界云何修行注云覺性本圓世尊若彼衆生知如幻者身心亦幻云何以幻還修於幻注云一切如幻若諸幻性一切盡滅則無有心誰爲修行云何復說修行如幻

注云幻空無體誰曰修行若諸衆生本不修行於生死中常居幻化曾不了知如幻境界令妄想心云何解脫注云如其不修何因證覺言佛說者文云一切衆生種種幻化皆生如來圓覺妙心猶如空華從空而有幻華雖滅空性不壞衆生幻心還

依幻滅諸幻盡滅覺心不動又云應當遠離一切幻化虛妄境界乃至離遠離幻亦復遠離如鑽火等偈云幻從諸覺生幻滅覺圓滿普眼章云幻身幻心幻塵滅故幻滅亦滅幻滅滅故非幻不滅譬如磨鏡垢盡明現又云

治下證得諸幻滅影像故爾時便得無方清淨無邊虛空覺所顯發覺圓明故顯心清淨等言應當遠離者即是起幻智也虛妄境界者即是所除之幻也幻身幻心幻塵滅者即是幻盡之言也遠離亦復遠離及幻滅亦滅等皆

是智泯之言也言覺圓滿及非幻不滅垢盡
明現覺所顯發覺圓明等皆是覺心圓明之
言也注然今下二印定其要二一彰要所以
唯說等者揀圓悟之人於中道第一義諦真
性之體知真性隨緣成如幻之法緣無自性
故一切空此說即不溺無修今有但說空幻
者不知體是靈性及性隨緣者即乖修也何
者以虛空無可除斷無可添補增益故空不
可修其幻法等及翳所見華亦無體可斷修
無結果之義故幻亦不可修南宗談禪失意

者多有此類若經論學者即西域清辨門下
此方習三論不得意者亦有此類又華嚴疏
鈔引智論說方廣道人立空幻宗西域推為
附佛法外道注修習下謂不先求了達自心
不知性具一切功德不悟緣起如幻本空但
憑佛語發心運意而修既不尋佛意迷四悉
檀但執佛語故繫縛在於有所得也北宗禪
門下多有此類若經論學者即多是大小乘
法相宗人及不參問善友不聽經論但以善
心修行之者故三聖觀云有信無解增長無

淨

上五

明既不知性德本圓諸法空幻即心有所得但結三界因果注良由下二結以印定於中先且辨迷所以言似反者既頓悟性德本具煩惱本無即不應更修既假修之積漸斷惑成德即不名頓悟故似反也言符者頓見九

層之臺漸漸而登頓生孩子六根具足漸漸成長頓認得身是良人漸學仁義禮樂頓見本性漸漸修行亦復如是故二義相符契合不乖反也注故最下正是印定也上句結下句印定言最難者若一向說頓一向說漸或

永樂北藏

圓覺經略疏之鈔

第一八七册

說頓漸各別皆是易明唯說二不相乖故難也疏四窮盡等者人皆難到此境注中共出難到之出故曰甚深今徹底決了故云窮盡注文二一正明三一舉疑念云菩薩者即金剛藏也由前云始知衆生本成佛道故生難也其又且云若諸衆生本來成佛何故復有一切無明若諸無明衆生本有何因緣故如來復說本來成佛十方異生本成佛道後起無明一切如來何時復生一切煩惱釋曰此有三句一謂先真後妄二謂說妄爲真三牒而縱之青

無窮過注佛答下二斥疑念文云種種取捨皆是輪迴未出輪迴而辨圓覺彼圓覺性即同流轉釋曰種種取捨之言通攝一切分別即已該剛藏三句疑難也故疏叙意云即此分別便是無明矣餘文易見注如雲駛下文

治十

上

云譬如動目能搖湛水又如定眼猶迴轉火雲駛月運舟行岸移亦復如是善男子諸旋未息彼物先住尚不可得何況輪轉生死垢心曾未清淨觀佛圓覺而不旋復是故汝等便生三惑釋曰四喻中初由目數動湛水如

波搖次眼識遲鈍旋火成輪相餘二可見諸旋者眼目雲舟彼物者水火月岸注但一下三斷疑念清涼大師答順宗皇帝心要之言也次云照體獨立物我皆如注如翳差華亡者文云譬如幻翳妄見空華幻翳若除華於空滅注等者等有二意一者等於餘文文不具取故二者等於後喻謂佛通此雖有其二喻空華喻頓悟本無煩惱金鑛喻漸斷惑習若但用前喻即撥迷悟因果之相便成邪見若但用此喻即似眾生覺性本來不淨

失真常理亦成邪見故說二喻疏但舉一故
等取二也金鑛文云善男子如銷金鑛金非
銷有既已成金不重為鑛經無窮時金性不
壞不應說言本非成就如來圓覺亦復如是
注衆生下二顯要二一辨要所以有四重展

準

七

轉難得其人謂難知難信難解難了後後難
於前前也通論難者凡聖相違故說有多門
故別釋相者初謂不過人說曠劫無由自知
既善友難逢故知之不易次謂宿有緣種聞
之方信且千萬億之數無一有宿緣宿種故

雖聞之難生信也故金剛經讚信者云不於
一佛二佛等三謂說但有緣無種或但有聞
種無信種者今生雖聞而信亦難解悟不論
根性利鈍要須宿世聞信所熏今再聞方解
故須揀擇所聞之法不得雜熏雜熏累於至

道矣然緣則屬人種則屬法由此緣種應成四句
謂有緣無種等於人有緣則易信於法有種
則易解餘句可知四謂纔聞一門之義一重
之法即便信解領受未經縱奪推徵或宿種
本非深廣者則雖解亦不覺此剛藏所難三

句之境故云難了也此意言尚不解生疑匪
唯不解通決罕者稀也寡鮮皆少也臻至也
注今經下一結成其要於中上二句結衆生
與佛若各隨相說是生滅門中染淨緣起皆
是枝派之義良由泯相歸真同一心源二門
不異故得相即當知相即即是窮源也下二
句正顯要也言羣疑自釋者然求大乘之人
於一切法數一切教門未能通達故有多疑
今窮一切諸法唯是一心一切教義唯有二
門心生滅門一心是二門所依之法體一門

是一心中之義相今既以空華金鑛之喻窮
究決了生佛之義徹一心源心通一切法通
故羣疑自然泮釋如堅冰遇陽暖之氣而銷
釋也故華嚴云不能了自心云何知正道即
能了一心是知正道正道既知何所疑矣疏
五除斷等者無明貪愛即是輪迴根本也故
文殊章云由此妄有輪轉生死故名無明彌
勒章云由有種種貪愛故有輪迴注文三一
顯所除過患其發潤之義下當具釋此通諸
教故十二緣生生起有緒且約大乘一重因

果者最初是無明無明發業業是行也發已成種即識等五支次愛取能潤潤已名有有故受生即後二支注若不下二明應除所以言賊能為者涅槃經云覺知是賊賊無能為今反此意若不識無明無明即能為也能為者能發業也注不可斷者中論云定有著常常故不可斷也如真如體由此必須先顯其相後顯本空具如下文可檢而說之故智度論云佛有二種說法先分別諸法後說畢竟空即此意也注故答下三指能除之文各於本

章檢而畧叙然顯示無明已不即說斷貪愛者由斷貪愛是修行之心心行難頓相應不同悟解之慧故須假普賢已下三章之理觀照圓通方能窮達微細染習根本疏六搜索者委曲尋求也菩提隱障者但障菩提不起

淨

九

惑造業故舉菩提以目其障菩提之隱障依主釋也故文云彼修道者不除我相是故不能入清淨覺所言障者是覆蔽妨礙之義隱者疏中自釋注文三一正指隱障注雖名下二釋隱所以然此四種統唯我相是主宰義

但由展轉約義故有四名四名復有二相一迷識境謂取自體爲我相計我過去從無始來種種生死爲衆生相計我現在一報命根不斷而住爲壽命相計我未來展轉趣於餘趣爲人相諸教亦說我等行相皆是此也故

云名同二迷智境即此經所明約以智證理能所難忘微細展轉成此四相文云以已微證爲自清淨由未能盡我相根本四相者一認證名我二悟我成人三了跡跡生四潛續如命故云深密等也亦須檢文畧叙注故淨

下三指能除文疏七少文等如注所列具頓漸空有悟修性相也且如大般若六百卷文唯無相一宗之義即少義多文今此二十八紙便具所列衆多之義故云少攝多也云頓及性正是一部所宗頓者流通文云是經名

爲頓教大乘頓機衆生從此開悟性者文中徧泯染淨一切諸法唯顯覺性如云非幻不滅覺性圓滿喻云磨鏡垢盡明現位位皆云隨順覺性等也漸者二十五輪三期道場及懺業等是也故流通文云亦攝漸修一切羣

品譬如大海不讓小流修羅蚊蟲飲之皆飽
言空者文殊章云此無明者非實有體乃至
亦無身心受彼生滅等又普眼章中顯根座
識界一一清淨如大般若文勢準智論釋清
淨即是空義也有及相字即當法相宗亦含

淨

干

小乘小乘是有教故也法相者彌勒章中五
性差別清淨慧章位地階降含小乘者普眼
章中分析身心根塵內外即當界分別觀觀
察四大皮膚血肉髓腦垢色唾涕膿血津液涎沫
淚淚精氣大小便利等即當不淨觀也悟修

者文中一一法門皆令悟覺託法而修故觀
門之首一一云悟淨圓覺以淨覺心方說所
修之行故云取靜為行等不同權漸教或但
勸策發三心四願修施等六度不先顯本有
圓覺本成佛道據此即是唯修不言悟也或

但顯理泯跡而已更無勸策願行之文即是
唯悟不言修也余備尋大藏經文大部小部
例如此者偏多其文於一經中便委細說悟
說修者甚少若具備如上所列者轉更復少
其華嚴等數部大經雖首末備足文又廣博

浩瀚難究今如來特開無遮大慈爲欲被其

此下是起信論文

心樂總持少文而攝多義能取解

者故說此經叙之爲第七因緣也疏八一法等者據諸經義或以了義勝法被於利根或以不了義劣法唯被鈍根上中下品各隨階

準

主

降以其三法而被三根三根所得勝劣殊品

三車之喻三乘之法是也今以一法巧爲方便以被三根三根勝劣雖殊皆令入於勝法故云爾也注中指文文相甚顯可檢畧叙

圓覺經畧疏之鈔卷第五